

Fundur stjórnar 21. ágúst

Mætt: Helga, Jón, Sigríður, Elfa, Raket og Erla

Starfið í vetur: Farið var yfir áherslur vetrarins og verður ítrekað við stjórnendur að setja niður fasta sameiginlega fundi fyrir veturinn.

Bekkjafulltrúafundur: með umsjónarkennurum og bekkjafulltrúum: verið er að skoða nýja dagsetningu. Bryndís ráðgjafi frá Heimili og skóla verður með vinnustofu. Súpufundur: yngri deild 16:30-18:30 og eldri deild 19-21. Áætlaður kostnaður er 105.000.- sem var samþykkt. Ritari stjórnar útbýr skráningarblöð fyrir umsjónarkennara til að skrá bekkjafulltrúa við upphaf skólaárs. Ræddar voru hugmyndir að vinnuhópum foreldra t.d. skemmti/viðburðanefnd, skóla/vettvangsferðir og skólaþróun/ný menntastefna.

Menntamálaráðuneyti: fundur um mótun skólastefnu til 2030 verður 6. nóvember í Mosfellsbæ. Skoða hver aðkoma foreldra er – tekið upp á SAMMOS fundi 30. ágúst nk.

Foreldrafélag: Senda póst á foreldra til að kynna starfsemi foreldrafélagsins og bjóða 1. bekkinga sérstaklega velkomna.

Félagsgjöld: gjaldkeri sendir út gíróseðla (2000kr + þjónustugjald) í september í heimabanka foreldra. Eitt gjald á heimili óháð fjölda barna.

Skólaferðir: Foreldrar hafa áhuga á að börnin fái tækifæri til að fara í skóla/námsferðir s.s. Reyki og Laugar í Sælingsdal sem er hluti af föstum hefðum í mörgum skólum. Skólaferðir voru lengi fastir liðir í Varmárskóla en lögðust af í kringum hrúnið. Skólastjórnendur vörpuðu fram þeirri spurningu til stjórnar við skólalok hvort foreldrafélagið taki að sér skipulag og umsjón með þessum nemendaferðum eins og víða er gert í skólum. Stjórnin tók vel í það, hefur kynnt sér málið og munu tveir stjórnarmeðlimir hitta Þórhildi seinna í vikunni til að ræða skipulag og kostnað. Til skoðunar er að hafa fjáraflanir en líttill tími er til stefnu.

- 9. bekkur **Laugar í Sælingsdal** : stjórnendur hafa staðfest að kennarar séu tilbúnir að fara 2 nætur dagana 15–17. október 2018 í stað einnar nætur í Þórsmörk. Áætlaður kostnaður á hvern nemanda er um 20.000kr.
- 7. bekkur **Vatnaskógur**: Í vor voru ræddar leiðir til að styðja við verkefni um bættan skólabrag. Mikilvægt er að leggja áherslu á bætt samskipti, búa til góðan bekkjaranda og skapa í leiðinni skemmtilegar minningar. Niðurstöður Skólapúlsins sýna vaxandi vanlíðan í 2006 árgangnum og nú þegar verið að er stokka allt upp og hormónarnir að taka völdin er gríðarlega mikilvægt að þjappa hópnum vel saman. 7. bekkur þreytir samræmd próf á fimmtudegi og föstudegi. Á mánudeginum er starfsdagur og finnst foreldrum upplagt að skoða möguleika á fara af stað í Vatnaskóg á þriðjudegi í stað miðvikudags.

| fim | fös | lau og sun | mán | þri | mið |
|--------------|--------------|------------|-------------|-----------------------|-------------|
| Samræmd próf | Samræmd próf | | starfsdagur | aukanótt í Vatnaskógi | Vatnaskógur |

Með viðbótarnótt fer kostnaður úr 9.000 í 12.900kr + rúta (1800kr) á nemanda. Miðað er við 1 kennara/fylgdarmann á hvern bekk + börn með sérþarfir. Launakostnaður og mönnun virðist vera helsta hindrunin svo stjórnin leggur til nokkrar lausnir til að þetta geti orðið:

- Foreldrar standi vaktina með kennurum og taki næturvaktirnar.
- Foreldrar standi vaktina með kennurum sem skipti dögum á milli sín, t.d. 2 kennarar fyrsta daginn með foreldrum og 3 seinni daginn með foreldrum.
- Foreldrar standi vaktina þegar vinnudegi kennara lýkur kl. 16 til næsta morguns. Kennarar geta þá farið heim og komið aftur daginn eftir.
- Foreldrar sjái um fyrri daginn og kennarar seinni daginn skv. skipulagi.